



FREMMEDSPRÅKSENTERET



NASJONALT SENTER FOR FREMMEDSPRÅK I OPPLÆRINGEN

SPRÅK

Val av framandspråk
på ungdomstrinnet

UNGDOMSSKULE

ELEV

NYNORSK



VAL AV FRAMANDSPRÅK PÅ UNGDOMSTRINNET

Eit lite land som Noreg treng folk som kan mange språk. Ikkje berre engelsk, men òg fransk, spansk, tysk, russisk, kinesisk og mange fleire.

Når du begynner på ungdomsskulen, skal du velje eit framandspråk eller fordjuping i engelsk, norsk, samisk eller matematikk. Mange skular tilbyr òg arbeidslivsfag. I denne brosjyren forklarer vi reglane for fagvalet på ungdomsskulen. Vi kjem òg inn på kva konsekvensar det valet du gjer no, får når du skal velje programfag i den vidaregåande skulen.

Ta gjerne kontakt med oss på Framandspråksenteret!

Språkvalsida vår: www.fremmmedspraksenteret.no/sprakvalg
E-postadressa vår: info@fremmmedspraksenteret.no

Hvilke valgmuligheter har du?

Du kan velje mellom desse alternativa:

enten

framandspråk på nivå I

eller

fordjuping i engelsk, norsk, samisk
eller matematikk

Mange skular tilbyr arbeidslivsfag som du kan ta i staden for framandspråk eller fordjuping.

Kva framandspråk du kan velje, er i praksis avhengig av kva skulen tilbyr. Dei fleste skular har fransk, spansk og/eller tysk, men det finst òg ungdomsskular som tilbyr andre framandspråk, til dømes kinesisk eller russisk.

Skulane tilbyr og valfag, men valfaga kjem i tillegg til framandspråk, fordjuping og arbeidslivsfag.

Du kan få meir informasjon om språktilbodet ved skulen din hos rådgivaren.



Er framandspråk noko for meg?

Det er veldig nyttig å kunne framandspråk -og ikkje berre når du skal reise til utlandet. Også i mange yrke er det ein stor fordel å meistre fleire språk. I tillegg er det mykje lettare å bli kjend med folk frå andre land hvis du kan litt av språket deira! Faget er basert på at du tek språket i bruk frå første stund, både munnleg og skriftleg. I framandspråk får du ein standpunktarakter som tel ved opptak til vidaregåande skule. Du kan bli trekt ut til munnleg eksamen på 10. trinn.

Kan eg ombestemme meg?

Når du har valt framandspråk, fordjuping eller arbeidslivsfag, skal du normalt ha dette gjennom heile ungdomstrinnet. Dersom du likevel ønskjer å byte, må du ta det opp med skulen i løpet av første halvår på 8. trinn. Berre når det er heilt spesielle grunnar, kan skulen godkjenne fagbyte på eit seinare tidspunkt.

Kva skjer etter ungdomsskulen?

Det er viktig å tenkje på at fagvalet på ungdomsskulen påverkar kva du kan velje dersom du ønskjer å halde fram på det studieførebuande utdanningsprogrammet (Studiespesialisering, Idrettsfag, Kunst, design og arkitektur, Medier og kommunikasjon, eller Musikk, dans og drama) i den vidaregående opplæringa.

Fellesfag

Alle elevar som tek studieførebuande utdanningsprogram, har framandspråk som fellesfag. Du har fellesfaget i to eller tre år, avhengig av fagvalet i ungdomsskulen. Slik er reglane:

Elevar som har fullført framandspråk på ungdomsskulen, kan ANTEN halde fram med det same språket på *nivå II* ELLER begynne på eit anna framandspråk på *nivå I*. I begge tilfella har du faget i to år, altså på Vg1 og Vg2.

Eit døme: Dersom du har fullført spansk *nivå I* på ungdomsskulen, kan du første året i vidaregåande skule velje om du vil halde fram med spansk *nivå II*, eller om du vil bytte til eit anna språk, til dømes tysk. Då får du undervisning på *nivå I*.

Elevar som IKKJE har fullført framandspråk på ungdomsskulen, har framandspråk i tre år på vidaregåande skule. Du begynner på *nivå I* på Vg1 og Vg2 og avsluttar på *nivå II* på Vg3. Viktig: Fordi du må ha faget i tre år, kan du berre velje to programfag, ikkje tre, på Vg3. Om du ikkje vel framandspråk på ungdomsskulen har du dermed litt mindre valfriheit på vidaregåande.

Hugs! Også i den vidaregåande skulen er valmoglegeheitene til elevane avhengige av språktildet ved skulen.



Programfag og tilleggsSpoeng

Om du hadde framandspråk på ungdomsskulen og avsluttar fellesfaget framandspråk på *nivå II* på Vg2, kan du mange stader velje å halde fram med språket som programfag på *nivå III*. På ei rekke skular kan du òg begynne på eit nytt framandspråk som programfag etter Vg1. Då får du *nivå I*-undervisning på Vg2 og *nivå II* på Vg3.

Dersom du har programfag framandspråk på vitnemålet frå vidaregåande skule, får du godskrive 0,5 (*nivå I* eller *nivå II*) eller 1,0 tilleggsSpoeng (*nivå III*) når du skal søkje deg inn på eit studium ved ein høgskule eller eit universitet.

Informasjon om dei ulike språka

Bestill gjerne eit eller fleire av informasjonshefta våre om ulike framandspråk eller gå inn på sprakval.no. Begge delane gjer eit godt innblikk i dei enkelte språka og er nyttige når elevane skal velje fag.

